

德道
為遠
間適

閑情錄
卷


四并


關情錄

閑情錄

凡例

余在庚戌夏抱病謝事杜門攝客無以消
長日中衍中逸披得五帙乃宋崇寧太史
不殆極逸傳玉臺冰臥遊錄三種及度披
覽仍取三書為四門類彙名曰閑情錄一
曰隱逸二曰閑適三曰退休四曰情事五
自繕寫置案以同志友見之咸以為佳余
嘗恨家之史籍不載甚簡略切以添入遺
事勒為全書為計久矣倏忽未暇甲寅乙





閑情錄

凡例

余在庚戌夏抱病謝事杜門攝客無以消
長日中衍中逸披得五帙乃朱榮燭太史
不殫極逸傳玉臺冰臥遊錄三種反度披
覽仍取三書為四門類彙名曰閑情錄一
曰隱逸二曰閑適三曰退休四曰清事五
自繕寫置案以同志友身之咸以為佳余
嘗恨家之史籍不載甚簡略切須添入遺
事勒為全書為計久矣倥偬未暇甲寅乙



卯兩年因事再赴帝都不男家貨購得書籍
幾四千餘卷就其中事涉閑情者以得帖
帖其提以文以需殺青逮判刑部公務法
襍未敢下手後左三篇註之待後也今年春羅滂席藁執持
之中無以破窮後也遂取法書考得帖寫出
更分爲十六門而爲卷亦十六其高三寸者乎噫閑情錄
爲此庶爲完備之以歸思益著於是矣
一古人棄世隱居者非以求名乃欲此身
長閑於物外以適其樂故此集首以隱
逸之士而所收獨多於他事爲隱遁第一

一高人逸士多出於隱遁似非異致獨塵俗之士或有志驚林泉心耽閑寂者固不可以軒冕遺之取隱遁中有奇踪者榮官中有逸軌者為高逸茅二

末段三事其致亦有可尚

人雖非高而逸者故附見于末

一閑適為此集大閑接子以其物外俗間俱可適其自適故為閑適第三

江表高戴情在此段

一士生斯世抱負經濟宣欲便訣堯舜之君為山林長計哉或心與事違或跡與時背率知止足率悟幾先率既衰而

倦於務始有引退之舉可謂善補過者

哉為退休第四

一窮覽山川之勝以舒神情乃閑中一大

事故為游興第五

一耽閑之士志尚自別流之俗所嗤而高

人之所賞故為雅致第六

一退去之人不可玉食錦衣唯儉可以畜

費可以養福為崇儉第七

一方外敬朗之士所行雖無町畦風流雅

趣足以洗俗塵清汚濁為任誕第八

雅則善矣退去之人

事興而行無差則止必以為大

其人每與俗相反何如

一 丈夫處世要當坦其襟抱觸境排遣以
理自抑則人品不期高而自高為曠懷

茅九

一 屋間處獨泊然無求而日用之間觸事

亦有作為故為幽事茅十

一 古人片言隻辭有可以醫俗訓世者閑

居之中宜加省覽以為名訓茅十一

一 文是靜中一業閑居者非文則何以自

遣而寓興也為靜業茅十二

一 古者高人韻士風流相賞文藝自娛至

於書畫琴碁以下種、幽玩可以適性

忘憂之具不可偏廢故為玄賞茅十三

一山屋亦有供具枕席飲食與俗好頗異

故為清供茅十四

一我仙則玄遠不可知也山澤之癯以狀

食撰期之先登得延壽者有之為撰生茅十

五

一四民之業唯農為本而閑者之事業故

為治農茅十六

一詩賦雜文詠及於閑情者苟裨為必集

附於錄後云

一 吳寧野書憲袁石公瓶花史觴政陳眉
公書畫金湯俱是適性戲具而閑情之
不可廢者故附于錄末以資靜玩云

閑情錄卷之一

隱遁第一

巢父者堯時隱人也山居不營生年老
以樹為巢而宿其上故時人號曰巢父堯
之讓許由也由以告巢父巢父曰汝何不
隱也形藏也光若非吾友也擊其膺而去
之由悵然不自得乃為清冷之水洗其耳
拭其目曰向聞貧之貧吾之友遂去終身
不相見

高士傳

許由為人拔義履不邪席不坐邪饒不食

後隱於沛澤之中堯讓天下於許由許由
曰子治天下天下既已治也而我操代子
吾將為名乎名者實之賓也吾將為賓乎
子無所用天下為庖人雖不治庖尸祝不
趣乎枵腹而代之矣子安而逸去由於是
遁耕於中岳潁水之陽箕山之下堯又已
為九州長由不往叩之洗耳於潁水濱時
天下橋潁潁水之長
其友蒙父辛掩鼻以之見由洗耳而具故
蒙曰堯以君我為九州長惡乎聲名豈故
使下學父曰子為文高所除谷人道不通

誰能及子、故浮游以求名譽小陸汚吾特口章

持上流飲上合

老萊子者楚人也當時世亂逃世耕於蒙
山之陽莞陵為塙蓬蒿為室收木為床著
父為帝飲水食菽壑山播種人本言於楚
王王於是駕至老子之門萊子方織畚王
曰守國之政孤頗煩先生萊子曰後王去
其妻樵還曰子許之乎老子曰然妻曰妾
聞之可知以酒肉者可隨以鞭撻可擬以
官祿者可隨以缺鉞妾不能為人所制者

投其畚而去老萊子亦隨其妻至於江南而止曰鳥獸之毛可績而衣其遺粒三食也仲尼嘗聞其論而感然改易容

上同

披裘公者吳人也延陵季子出遊見途中遺金顧而覩之與公曰取彼金公投鏹瞋目拂手而言曰何子居之高而視之卑吾披裘而負薪豈取遺金者哉季子大驚既言而問其姓名曰何足語

姓名

吳越春秋

榮啓期者不知何許人也鹿裘帶索鼓琴而歌孔子遊於泰山見而問之曰先生何樂

也對曰吾樂甚多天生萬物唯人為貴吾
得為人矣是一樂也男女之別男尊女卑
故以男為貴吾既得為男二樂也人生有
不見日月不免襁褓者吾既已行年九十
矣是三樂也貧者士之常也死者民之終
也居常以待終何不樂也高士傳
荷蕢者衛人也避亂不仕自匿姓名孔子
擊磬於衛時荷蕢過孔子之門曰有心哉
擊磬乎既而曰硜硜乎莫已知也斯已而
已矣深則厲淺則揭孔子聞之曰果哉末

之難矣

論語下并同

長沮桀溺耦而耕孔子過之使子路問津焉長沮曰夫執輿者為誰子跖曰是魯孔丘歟曰是也曰是知津矣問於桀溺曰子為誰曰為仲由曰是魯孔子之徒歟對曰然曰滔滔者天下皆是也而誰與易之且而與其從避人之士豈若從避世之士哉耰而不輟子路以告孔子孔子憮然曰烏默不可與同羣吾非斯人之與而誰與天下有道丘不與易也

荷篠丈人不知何許人也子路從而後問
曰子見夫子乎丈人曰四體不動五穀不分
孰為夫子傳植其杖而芸其子路拱而立子
路宿且享焉而見其二子明日子路行以告
夫子曰隱者也使子路反見之至則行矣
陸通字接輿楚人也好養性躬耕以為食
楚昭王時通見楚政無常乃佯狂不仕故
時人謂之楚狂孔子適楚狂接輿遊其
門曰鳳兮鳳兮何德之衰也來世不可待
往世不可追也孔子下車欲與之言趨而

避之不得與之言楚王聞陸通賢遣使者
持金百鎰車馬二軺往聘之通笑而不應
使者去妻從市來曰先生少而為義宣老
違之哉以外車迹何深也妾聞義士非禮
勿動妾事先生躬耕以自食親績以為衣
食飽衣煖其樂自足矣真不如去之於是夫
負釜甌妻戴絁冠變易姓名遊諸名山高士傳
下並同
四皓者河內軹人也或在汲一曰東園公二曰角
里先生三曰綺里季四曰夏黃公皆修道潔已
非義不動秦始皇時見秦政虐乃退入藍

田山而作歌曰莫以高山深谷逶迤時紫
芝可以療飢唐虞世遠吾將何歸駟馬高
盖其憂甚大富貴之畏人不如貧賤之肆
志乃共入商雒隱地肺山以待天下之及秦
敗漢高聞而徵之不至乃移深自匿終南山不能
屈也

東方曼倩漢武帝時為郎任誕不羈人皆
以為狂朔曰如朔所謂避世於朝廷間者也
豈學古之人乃避世於深山中耶時坐席中
酒酣掇地歌曰陸沈於俗避世金馬門宮

昌黎先生集卷之六
廟中可以避世全身何必深山之中萬廬

之下哉

鄭子真修道靜默世眠其清高成帝時元
舅大將軍王鳳以禮聘之遂不屈楊雄盛
稱其德曰谷口鄭子真耕於巖石之下名
振京師馮翊人刻石祠之至今不絕
嚴君平隱居不仕常賣卜於成都市日得
百錢以自給卜訖則閉肆下簾以著書為
事楊雄少從之遊屢稱其德李強為益州
牧喜曰吾得君平為從事足矣雄曰君可

脩禮與相見其人不可屈也王鳳請交不
許蜀有富人羅冲者問君平曰君何以不
仕君平曰無以自見冲為君平具車馬衣
糧君平曰吾病耳非不足也我有餘而子
不足奈何以不足奉有餘乎冲曰吾有萬
金子無甌石而乃云有餘不亦謬乎君平
曰不然吾前宿子家人定而役未息晝夜
汲未嘗有足今我以卜為業不下床而
錢自至猶餘數百塵埃厚寸非餘約五寸不知所用此
非我有餘而子不足耶冲大慙君平歎曰

蓋我貨者損我神生我名者殺我身故不

仕也時人服之

上全

蔣元卿舍中三經唯羊仲求仲從之遊二

仲皆挫廉遜名之士

何氏語林

鄭次都去吏隱居蟻陂之陽與同郡鄧敬
折芟為坐以荷薦肉瓠瓢盈酒言談彌日

蓬廬筆五琴書自娛

上全

梁伯鸞遭亂世乃牧豕上林苑中曾誤遺
火延及他舍鴻乃尋訪燒者問所失去悲
以承償之其主猶以為少鴻又以身居作

執勤不懈隣家耆老見鴻非恒人乃共責讓主人而稱鴻長者於是始驚異焉悉還其豕鴻不受而去歸鄉里勢家慕其高節多欲女之鴻并絕不娶同縣孟氏有女狀醜擇對不嫁父母問其故女曰欲得賢如梁伯鸞者鴻聞而聘之及嫁始以裝飾入門七日而鴻不答妻乃下請鴻曰吾欲裘褐之人可與俱隱深山者爾今乃衣綺縠傅粉墨豈鴻所願哉妻曰以觀夫子之志耳妾自有隱居之服乃更為四推髻着布

衣得作而前鴻大喜曰此真梁鴻妻也能
奉我矣字之曰德耀居有頃共入霸陵山
中以耕織為業詠詩書彈琴以自娛仰慕
前^世高士而為四皓以來二十四人作頌因東
出関過京師作五噫之歌肅宗求鴻不得
乃易姓運期名耀字候光與妻子居齊魯
之間有頃又去適吳居皋伯通廡下為人
賃舂每歸妻為具食舉案齊眉伯通察而
異之乃舍於家鴻潛閉著書十餘篇疾且
困告主人曰昔延陵季子葬於贏博之間

韓左尹退朝羊

不歸鄉里慎勿令我子持喪歸去及卒伯

通等為求葬地烈上伯於吳安離塚傍後漢書

張仲蔚與同郡魏卿景俱修道德隱身不

仕常居窮索所處蓬蒿沒門內卷性不

治榮名時人莫識之河氏語林

韓伯休常遊名山采藥賣於長安市中口

不二價者三十餘年時有女子買藥於康

怒康守價乃曰公是韓伯休耶乃不二價

乎康歎曰我欲避名隱今區區女子皆知有

我何耶何用藥為遂過入霸陵山中後漢書

向子平隱居不仕性尚中和好通老易貧無資食好事者更饋焉受之亦足而反其餘王莽大司空王邑辟之連年乃至款薦之於莽固諱乃心潛隱於家讀易至損益卦喟然歎曰吾已知富不如貧貴不如賤但未知死何如生耳建武中男女娶嫁畢及時俗勅斷家事勿相關當如我死也於是遂肆志與同好北海禽慶俱遊子嶽名山竟不知所終上同

臺孝威不仕隱武安山中墜穴而居採藥自給建業初中州辟不就魏郡刺史執事衆為難見佟語良久刺史曰孝威處身如此甚苦如何佟曰佟幸得保終正性存

神養和不屏營於世事以勞具精除可欲之志恬淡自得
不苦也如明使君優撫牧養夕惕匪惑反不苦耶遂去
隱逸終身不見 高士傳

徐孺子以徑行高於南州桓帝時汝南陳蕃為豫章太守
不接賓客唯孺子來特設一榻去則懸之孺子舉孝
廉賢良皆不就嘗為太尉黃瓊所辟及卒孺子泣步赴
窆設鷄酒哭畢而去時會者郭林宗等聞之疑其孺子
也遂能言之士等容追之及於道容為設飲從容言稼
穡之事林宗謂曰為謝郭林宗大樹將顛非一繩所能何
為極之不逞寧寂 後漢書下全

郭林宗少事父母以孝聞家貧郡縣欲以為吏
歎曰丈夫何能斗筲執鞭笞乃辭母與同
縣宗仲至京師從居伯產學春秋博洽無不通
又審於人物由是名著於梁陳之間步行遇雨巾
一角墊衆人慕之皆故折巾巾上角士爭往從之載
策盈車凡泰知之于無名之中六十餘人皆言後
驗以母喪歸徐穉耒吊以生芻一束損泰廬
前而去泰曰此少南州徐孺子也詩不言乎士
芻一束其人如玉吾不此喻耳
袁夏甫等宅于庭中向門不見客朝暮於

參奉兩君筆

母禮拜雖子往亦不見也子亦向戶拜而
公首不着巾身無單衣足着木履母死不列服
位公車兩徵不詣范滂美而稱之曰隱不違親貞不
絕俗可謂至賢矣高士傳

申屠蟠少有名節父母卒哀毀思慕不飲酒食肉十
餘年遂隱累徵不就先是范滂等非許朝政公卿
以下皆折節下之大學士爭慕其風以為文學將興
處士復用蟠獨歎曰昔戰國之世處士橫議列國之
王至為擁篲先驅卒有焚坑之禍今之謂矣乃絕跡
於梁碣之間因樹為屋自同傭人居二年果有黨

錮之禍刑死者數百人幡確然免於疑論
高士傳下並同

管勞安與華歆同席讀書門外有樂車者
臣統之施過歆棄書遽往觀之寧耻之而割席曰子非
吾友也又嘗與歆共鋤菜地遇金寧揮鋤
不顧歆則捉而擲之漢魏之際居遼東二
十年匿畏藏光喜邀養浩魏明帝安車蒲
輪束帛加璧聘之寧不受家貧好學一藜
末五十年當膝處皆穿

泰仁南君龐公居峴山之南未嘗入城府夫妻相敬

如賓荊州刺史劉表延請不能屈乃就候
之曰夫保全一身孰若保全天下乎龐公
笑曰鴻鵠巢於高林之上暮而得所栖黿
鼉穴於深淵之下夕而得所宿夫趣舍行
止亦人之巢穴也且各得其栖宿而已天下非所
保也因釋耕於壠上而妻子耘於前表指而
問曰先生若居畝畝而不肯官祿何以遺
子孫乎龐公曰世人皆遺之以危今獨遺之以
安雖所遺不同未為無所遺也表歎息而
去後遂携其妻子登鹿門山因採藥不返

司馬德操有人倫鑑在荊州時知劉表性暗必
害善人乃括囊不復談議時有以人物問德
操者初不辨其高下每輒言佳其婦孫曰
人質所疑君宜辨論而一皆言佳豈人所以
咨君之意德操曰如卿所言亦復佳

南郡龐士元聞司馬德操在潁川故二千
里候之至遇德操操桑士元從車中謂曰
吾聞丈夫處世常帶金佩紫焉有屈洪流
之量而執絲婦之事乎德操曰子且下車子
適知邪徑之速不慮失道之迷昔伯成耕

耦不慕諸侯之榮原憲桑樞不易有官之
宅何有主則華屋行則肥馬侍女數十然
後為奇此乃許父所以忼慨夷齊所以長歎
雖有竊秦之爵千駟之富不足貴也士元曰
僕生自過陸窠見大義若不一叩洪鍾伐雷
鼓則不識其音響也

孫公和無家屬於郡北山為土窟屋之好讀
易撫一絃琴性無喜怒人或投諸水中欲
觀其怒登既出便大笑嘗住宜陽山有作
炭人見之知非常人與登語亦不應阮籍

昌陵錄卷公羊

往觀既見與語亦不應嵇康又從之遊三
年問其所蓄終不答康將別謂曰先生竟
無言乎登乃曰子識火乎火生而有光而
不用其光果在於用光人生而有才而不
用其才果在於用才故用光在乎得薪所
以保其耀用才在乎識真所以全其年今
子才多識寡難乎免於今之世矣子無求
乎康不用果遭非命乃作幽憤詩曰昔慚
柳下今愧孫登竟不知其所終魏志
孫公和清淨無為好讀易彈琴頽然自放

覩其風神若遊六合之外魏末居北山中
以石窟為宇編草自覆阮步兵見孫被髮
端坐巖下遙見鼓琴自下趨進莫得與言
阮既長嘯與琴音諧和公和嘯和之妙響
動林谷

高士傳

阮步兵兵嘯聞數百步蘇門山中忽有真人
樵伐者咸共傳說阮籍往觀其人擁鄰巖
側籍登嶺就之箕踞相對籍商略終古上
陳黃農玄寂之道下考三代盛德之美以
問之屹然不應復叙有為之教棲神導氣

之徒以觀之彼猶如前凝矚不轉籍因對之
長嘯良久乃笑曰可更作籍復嘯意盡還還
半嶺許聞上嗷然有群如數部鼓吹林谷傳
響顧者乃曰人嘯也上全

夏仲御隱身不仕母病篤詣洛市藥會上已
洛中王公並至浮橋車乘如雲統視之蔑如也
賈充引舩與語其應如響音勸之仕俛而不答
充曰卿能作鄉土地間曲乎曰昔曹娥投水國人
哀之為作河女之章伍子胥以忠投海國人哀
之為作小海唱今欲歌之於是以足扣舩引

拜清激大風應至雲雨交集充令收女盛
服繞船三匝統危坐如故若無所聞充悵
然曰此吳兒木腸石心也晉書

董威輦初與隴西許吏俱至洛陽被髮而
行道遙吟咏常宿白社中孫楚時為著作任
數就社中與語後每年遁去莫知所之於
其寢處唯有一石竹子及詩二篇其一曰乾
道剗簡坤體敦密芒芒太素是則是述末
世流奔以文代質悠々世事孰知其實逝
將去此至虛歸我自然之室又曰孔子不遇

時彼感麟：予憐乎胡不遁世以存真高士傳
張薦隱居顧志家有苦竹數十頃張於竹中
為屋常居其中王右軍聞而造之張逃避竹
中不與相見何氏語林下並曰

陶甕靜年十五便服食絕穀家累千金僮客
百數甕靜終日端拱絕不婚宦居臨湘縣山
中立小草屋裁足容身有時還家設小床
榻生不與人共

劉子驥虛退寡欲志存棲遁桓車騎請為
長史劉固辭車騎因到其家劉於樹條桑

使者致命劉曰使君既在駕先臨耳先詣
家君車騎乃造其父、命劉然後還掛短
褐與車騎言詒父使鱗之於內持濁酒蔬菜
供賓車騎救人代鱗之酌酢父辭曰若使從
者便非野人之意車騎慨然補美至暮乃還
郭元瑜少有拔俗之韵居巖谷張天錫遣
使修礼徵之元瑜指翔鳴示使人曰此鳥安可
籠哉

索偉祖虛靖好學不應州縣之命太守陰
澹嘗造焉經日忘返退而歎曰吾人所有

餘者富貴也而目好五色耳玩音聲先生棄
衆人之所收、衆人之所棄味其味於恍惚之
際無衆玄於衆妙之內宅不稱畝而志忘
九州形虛塵俗而棲心天外雖黔婁之高
遠莊子之不顧萬以過也遂謚為玄屋先生
戴仲若以桐廬僻遠難以養疾乃出屋高士傳吳下
吳下士人共為等室聚石引水植林開澗少
時繁密有若自然何氏語林下並全

褚元璣少有隱操竊嗜欲年十八父為婚婦
入前門褚從後門出遂住剡屋瀑布山性

耐寒暑時人比之王都仲

致書

劉靈預詔徵不就竟陵王通書劉荅曰蚪
四節卧病三時營灌錫餘怕於山澤託暮
情於魚鳥寧非唐虞重恩周召完施蚪進
不斫柴入玄無洙泗稷館之辨退不凝心出累
非冢間樹下之節遠澤既灑仁規先著謹收
樵牧之嫌敬嘉軼龜之義

顧長孺有隱操與顧景怡俱不就徵景怡
晚節服食不與人通每朝出戶山鳥集其掌
取食

宗敬微嘗歎曰家貧親老不擇官而仕先哲以
為美談余竊有惑誠不能潛感地金冥致
江鯉但當用天道分地利孰能食人厚祿憂
人重事乎

豫章王辟宗敬微為叅軍宗曰測性同鱗羽
愛止山壑眷戀松筠輕迷人路縱宕巖流有若
狂者忽不知老至今鬢已衰白豈容課虛責
有魚慕鳥哉

魚復侯為江州厚餉遺宗敬微宗辟曰少有狂
疾尋山采藥遠未至此量腹而進松木度

形而衣薜蘿淡然已足豈容當此橫施

孫伯翳放情物外栖志丘壑與王令君范將軍交好王范既相二朝欲以吏職相處孫只生百年有若風燭正可怡神養性琴酒寄情安能棲々役曳若此嵇康所不堪予亦未能也梁陶弘景隱居華陽絕意仕宦高祖徃見問之曰山中何所有弘景答曰山中何所有嶺上多白雲但可自怡悅不堪持贈君後武帝屢聘不出

事文類聚

明僧紹累徵不就嘗聞釋僧遠風德僧紹

往候於定林寺太祖欲出寺見之僧遠問曰天子若來居士若何相對僧紹曰山藪之人政當鑿坏以適若辭不獲命便當依戴公故事耳

何下

氏語林

並全

何子有清退少欲居吳被若寺足不踰戶人莫見其面宋明帝召至都除永嘉太守子有時寄住南澗寺不肯詣臺乞於野外拜受詔命見許忽一夜乘小舡逃歸隱布丘山劉彥度少懷隱操兄為聘妻剋日成婚彥度聞而逃匿事息乃還本州刺史張稷辟為

主簿彦度掛檄於樹而逃

當連書下条

陳留阮孝緒博學隱居不交當世時人造之
未嘗見也彦度徑一造孝緒即願以神交彦
度族兄士光又復高操三人日夕相携都下
謂之三隱貧士傳

宋令史少有遠操沈靖不與世交居于酒泉
南山第子受業三千餘人不應州郡辟命時太
守楊宣畫其像於閣上出入視之作頌曰為枕
何石為漱何流身不可見名不可求酒泉太守
馬岌其威儀鳴鐃鼓造馬纒高樓重関距

而不見安歎曰名可聞而身不可見德可仰而
形不可覩吾今而後知先生人中龍也銘詩于
石壁曰丹崖百丈青壁萬尋奇木鬱鬱蔚若鄧
林其人如玉維國之琛室通人遐實勞我心尊
生八歲

王仲淹隋時教授河汾楊素甚重之勸之仕通
曰通有先人之弊廬足以蔽風雨薄田足以供
饘粥讀書談道足以自樂願明公正身以治天
下使時和年豐通也受賜多矣不願仕也
貧士傳
下全
朱桃椎淡薄絕俗被裘曳索結廬山中常織

芒屨置道上見者曰此居士屨也以米茗置其甕易之

孔拯侍郎朝迴遇雨避於一叟之廡下延入廳事叟烏帽紗巾逢迎甚恭曰備酒饌一二精好孔公借油衣叟曰寒不出熱不出風不出雨不出未嘗置油衣也孔公不覺頓忘二官情心夢預言

司馬子微事潘師正傳辟穀導引術無不通師正異之曰我得陶隱居正一法逮而四世矣目辭去徧遊名山廬天台不出

劉昫唐書

田游巖永徽時補太學生罷歸入太白山母及妻皆有方外志後入箕山居許由塚傍自號田東隣頻召不出高宗幸嵩山親至其門游巖野服出拜儀止謹樸帝謂曰先生以佳否荅曰臣所謂泉石膏肓烟霞痼疾者上全

吳貞節通經詛性高鯁不耐浮沈於時去居嵩山玄宗遣使召見問道對曰深於道者無如老子五千文其餘徒喪紙札耳復問神仙治鍊法對曰此野人事積歲月求之非人主宜留意筠每用陳皆名教世務以微言諷天子重之懇乞還嵩山詔

為立道館

真仙通鑑

張志和博學能文善畫飲酒三斗不醉守真
養氣卧冰雪不冷入水不濡天下名山皆所游
覽垂釣自怡為漁父詞曰西塞山前白鷺飛桃
花流水鱖魚肥青箬笠綠蓑衣斜風細雨不須
歸

列仙傳

陸魯望少高放有田數百畝居三十楹田苦下雨
潦則興江通故常苦飢身畚鍤徐刺無休時或
譏其勞荅曰堯舜黻瘠禹疇眡彼聖人也吾一
褐衣敢不勤乎嗜茶置園顧渚山下歲取祖茶

自判品第又不喜與流俗交雖造門不肯見不
乘馬升舟設蓬席齋束書茶灶筆床釣魚往
來時謂江湖故人

劉昫唐書

陳喬南入武昌山辟穀鍊氣二十餘年後居華
山雲臺觀太平興國間搏兩入朝帝待之甚厚
至是復來帝謂宰臣曰搏獨善其身不干勢利
所謂方外之士遣中使送至中書宋琪等從容
問曰先生得玄默修養之術可以教人乎搏曰搏
山野之人於時無用亦不知神仙黃白之事吐納
養生之理非有方術可傳假令白日飛昇亦何

益於世今聖上龍顏秀異有天人表博學
古今深究治亂真有道仁聖之主也正君臣協
心同德興化致治之秋勤行修鍊無出於此祺亦
以其語白帝益重之詔賜號希夷先生放還華
山仙傳拾遺

淳和中詔起神明逸其母患曰常勸汝勿
聚學徒果為人知而不得安寧身既隱矣
何用文為我將棄幽深入窮山矣放稱疾
不起母遂焚玄筆硯與放轉居窮僻人迹
罕至真宗東封得隱者楊璞上問卿行有

人作詩否曰臣妻一首云且休落魄耽狂更
莫猖狂愛任詩今日捉將官裡去這迴却
送光頭皮上笑乃賜束帛放歸山中一母一
妻可謂善成其隱矣放卒以晚節表其盛
名宣母不在耶金罍子

魏野隱居不仕嘗自咏云有名聞富貴無事
小神仙洗硯魚吞墨烹茶鶴起烟真宗屬
詔不起差使者曰九重丹詔休教彩鳳含來
一片野心已被白云留住

宋管師復云居就泉從胡瑗時自號卧雲

先生仁宗召至問曰卿所得何如對曰滿塢白雲
耕不盡一潭明月釣無痕臣所得也竟不受

爵命曰奇類林

魏堃當真宗朝初遣使召野題友人至堃云
達人輕祿位居處傍林泉洗硯魚吞墨烹
茶鶴起烟閑惟歌聖代先不恨流年靜想
閑來者還應我最偏遂遁去使還以詩卷上
曰野不來矣先是上嘗各神放所居野居有
幽致又令面之又有詩云易諳馴鹿性難辨
閑鷄情妻喜栽花活沈誇閑草羸能盡閑

適之味禪海

林逋隱居杭州孤山之老畜兩鶴縱之則飛入
雲霄盤旋久之收入籠中逋常泛小艇游西
湖法寺有客至逋所居則一童子應門延客
坐為開籠縱鶴去久逋出棹小舟歸蓋常
以鶴飛為客至之驗後元人提舉余誼既
葺處士之墓收植梅數百本于山梅亭其
下郡人陳子安以為處士妻梅子鶴不可偏私
構鶴亭以記之事文類聚

郭延卿西京人也少與張文定公呂文穆公俱

以文行補於鄉閭張呂作相更薦之延卿不就
葺幽亭藝花木自娛迹不及城市年八十餘
錢文僖惟演時留守西京通判謝絳掌書記尹
洙推官歐陽脩皆一時聞人也一日惟演率僚
屬出郭往游去其居一里許屏騎泛訪之不告
以名氏延卿欣然接之道服談對而已延卿笑曰
陋居罕有過從而平日所見之人亦無如諸君
者老夫甚慙願少留花下小酌於是陶
尊果藪而進惟演喜其野逸為滿引不辭既
而吏揖於前報曰申牌府吏牙兵已滿庭中矣

延卿徐曰公等何官而從吏之多若此也洙曰留守
相公也延卿笑曰不為相公曾訪野人遂相與大笑
又曰諸公尚能飲否惟演欣然從之盃盤云少加
於前而談笑自若日入辭去延卿送之門頌言
曰老病不能造謝希勿訝也惟演舉登車在然
自失訓日悟僚屬曰此真隱者也彼視富貴為何
等物嘆息累日不止說郭

東坡南遷度嶺次于林麓間遇二道人其故已
深不入見茅屋入見茅屋不山見茅屋在間二道人在山見茅屋景象甚滿西顧使臣
曰此何人對以蘇學士道人曰得此子瞻乎使

臣曰學士始以文章得終以文章失道人相視
而笑曰文章豈解能榮辱富貴往未有盛衰
坡曰何處山林無有道之士乎嗟女流有春夢
婆方外有二道人何故仙所遇之多賢也長乙外紀
松江一漁父每掉小舟往來長橋叩舷飲酒
歌自壽紹聖中閩人潘裕自系師調官為善因
就與語且曰先生澡身浴德今聖明在上盍出而
仕父笑曰君子之道或出或處吾雖不能棲隱若
穴追園綺之蹤慕老氏曲全之義且養志者
忘形養形者忘心形俱忘其視軒冕如糞

士耳與子出處異趣無與吾事

灼文集

陽翟縣有杜生者不知其名邑人但謂之杜五
郎所居去縣三十五里惟屋兩間其前空地大
餘杜生不出籬門已三十年矣黎陽尉曾訪之
問其不出門之由其人指門前一桑曰十五年前
亦曾此下納涼但無事于時偶不出耳問其為
生曰日惟與人擇日賣藥一切不為又問常日
何所為曰端坐耳問頗觀書否曰二十年前曾
觀淨名經愛其議論今已忘之并書亦不知所
在矣氣韵閑曠言詞清簡有道士也盛寒

布袍草履室中孺然一榻而已筆談

順昌山人者不知其姓名亦不知其何許人也靖
康末有避亂于順昌山中者深入得茅舍主人
風裁甚整即與語士君子也恠而問曰諸君何
事挈妻孥能至是耶因語其故主人曰仇何自而
起耶衆爭為之言主人嗟惻久之曰我父為仁宗
朝人自嘉祐末卜居于此因不復出以我聞但知有
熙寧紀年亦不知于今為幾何年矣說郭
蘇雲卿初與丞相張德遠為友宋既南渡德遠
貴顯雲卿乃遜跡結庵于東湖之小洲家貧畚

礫織屨以自給垂三十年後德遠復相亟金帛移

書帥府云有故人蘇雲卿在治下管樂流亞非折簡可招必禮致之帥漕乃以許造見翌日遣

吏迎候書幣不啓而雲卿已逝矣

貧士傳

呂微之家仙居萬山中耕漁以自給一日携楮幣詣富家易穀種值大雪聞東閣中有人分韵作雪詩一人得滕字苦吟不訖微之不覺失笑閣中諸公聞之詢其見笑之由微之不得已乃曰我意舉滕王缺蝶事耳衆始嘆服邀微之入坐以藤滕二字請之成之即援筆書曰天上九龍施法水人間二鼠嚙

枯藤驚我鷺群亂功收蔡蝴蝶飛來妙過滕復請粘
曇字韵詩微之又隨筆書曰萬里閑河凍欲含渾如
天地尚出三橋邊驢子詩何惡帳底羔兒酒正酣
竹安長身寒郭索松埋短髮老瞿曇不如乘此擒
元濟一洗江南草木慙書訖徑出問其姓名不答惠
之穀怒曰我豈受非義之物必易之刺船而去遣人尾
其後路甚僻遠識其所返雪晴往訪之唯草屋一
間忽米桶中有人乃微之妻也因天寒故坐其中試
問微之何在荅曰方捕魚溪上至彼果見之隔溪謂
曰諸公先至舍我得魚當援酒飲諸公也少頃携魚

与酒至盡歡而散回至中道宿逆旅主人語
以故主人喜曰是固某平日所願見昔五日客
別主人張其蹤微之已過屋矣南村耕錄

胡長孺特立獨行凍餓有守趙子昂嘗為羅司徒
奉鈔百錠請作墓銘長孺怒曰我豈為宦官墓乎
歟是日長孺絕糧其子以情白坐上諸客咸初之
受長孺卻金堅者遂余茶如愚歸云廢不
繼襖不溫謳吟狂是鍾球鳴法之曰此秘密
中休糧方也貧士傳

太祖故人焦某屢命不起使人搜索之一日焦荷

鷄汪由御街直入上喜命付光祿治具相飲甚歡
已而出金銀角三帶命其自拾以官之焦取角
授于戶部日出高橋門挂冠帶于桑樹口歸
蘇郡隱士王賓素与姚少師友善及少師請薤賓
媿其所為不与接少師屏騎從衣短褐以往賓問
戶不納少師力請賓佯問為誰少師曰是昔日道
行也不應少師大呼曰光庵不棄舊日之雅客老
僧一見乎賓荅曰吾方割薪忙不暇也眉公秘友
陳漁雍潛心古學遂以云問聘君吳康而
雅敬至之陳白沙常以周易疑義質於康

齋康子曰：過清江，可扣龍潭。老人白沙如其言，
往渴之，多龍潭。雨中，策笠犁田，乃返。至家，與之
對榻，辨析疑義。白沙歎服而去。龍潭語必軍，曰：兵
康，非愛我者也。知非錄

朱陳村在徐州豐縣東南一百里，深山中，民俗淳質。
一村唯朱陳二姓，世為婚姻。白樂天有朱陳村詩三
十四韻，其略云：縣遠官事少，土深民俗淳。有財不行
商，有丁不入軍。家守村業，頭白不出門。生為陳村人，
死為陳村塵。田中老與幼，相見何欣欣。一村唯兩姓，世
為婚姻親。屬居有族少，長遊有羣黃。雞與白酒

歡會不隔旬生者不遠別嫁娘先近隣死者不
遠葬墳墓多統村既安生與死不苦形與神所以
多壽考注見玄孫余每誦之塵襟為之一洒恨
不生長其地後讀坡翁朱陳村嫁娘面詩云我是
朱陳舊使君勸農曾入杏花村而今風物耶堪畫縣
吏催錢夜打門則宋之朱陳已非唐時之舊若令
觀之又不知其何如也

知非錄

滕達道錢醇老孫莘老孫巨源同在館中花時各取
京師花最盛處滕曰皆不足道約旬休日相率同遊
三人如其言達道前行出封丘門入一小庵中行如步

至一門陋甚又數步至大門特壯麗造廳下馬主人
戴道帽衣紫半臂徐步而出達道素識之因曰今日
風埃特甚主人曰此中不寬諸公宜往小廳至則雜花盛
開雕欄畫楯樓觀甚麗水陸畢陳皆京師所未嘗見
又顧指兩後堂門坐上已聞樂舞矣莘老以時在諒闇
辭之衆遂起去莘老嘗語人云平生看花只此一處
張芸叟南遷錄潯陽有孟氏者世業漁門兩蕭然
竹籬數楹孟生出見葛衫草屨容止語言與江上漁
人無異就茆菴一吸左右皆漁器腥穢逼人稍即廳事
如富貴家頃間延至中堂棖題軒楹皆以髹塗間之

雕采器服粲然奪目至於酒味美哉莫不旨嘉久之出妓女三四人皆百金之士服錦舞樂所傳皆京師新舞使人終日悅然蓋任俠隱身而致富者

問奇類林

石曼卿居蔡河隣一豪家日聞歌鍾舞家僮數十常往來曼卿之門曼卿向豪為何人求欲見之其人曰即君素不相接士大夫然喜飲酒屢聞學士能飲意似見待

欲相

試問之一日果使人延曼卿往坐堂上久之方出主人頭

巾繫勒帛都不具衣冠相見無拱揖禮引入一別館

供帳赫然有二鬟妾各持一小槃至曼卿前槃中

紅牙牌十餘一盤是酒凡十餘品令曼卿擇一一槃肴饌名令擇五品既而二鬟去有羣

妓十餘人各執肴果樂器粧服人品皆艷麗粲然一妓
酌酒以進酒罷樂作羣妓執果肴者萃立其前食罷
則分列于左右酒五行羣妓皆退主人入略不揖客曼
卿獨步而出曼卿言豪者之狀似朕而奉養如此極可
恠他日試使人通鄭重則閉門不納亦無應門者其近隣
云其未嘗與人往還雖隣家亦不識其面也筆談

少時見東坡言世有豪傑之士隱而不見於世者吾鄉
某君子世居眉山之中葬其先君時會期日已逼而墓碑
未足謀於人云往見此君則立可辦但多游櫟又所居山
林夔絕試往面之坡化兩日始得至其家候至日晨

乃見其從數騎歸乃少年也既通謁少年易服出坐之
問故坡具以告少年曰易事耳已具飯且宿于此當令
如期辦所須少頃數青衣跪進盤食皆今日所擊
鮮也進酒數盃飲畢始從容對榻翌日遣僮馬送
坡下山三日無耗乃下手破土至晚磚猶無一口至
者甚以為悔明日曉視其墓地之側五萬口斬
然羅列矣衆皆驚歎事畢再往謁謝不見送
所直亦不得遇冊錄

參奉府君年
足壽

晉武陵人捕魚為業緣溪行忘路之遠近
忽逢桃花林夾岸數百步中無雜樹芳草

鮮美落英續紛渾人甚異之復前行欲窮
其林、盡水源便得一山、有山口髣髴
若有光便捨舟從口入初極狹繞通人復
行數十步豁然开朗土地平曠屋舍儼然
有良田美池桑竹之屬阡陌交直通犬相
聞其中往來種作男女衣着盡如外人黃
髮垂髫並怡然自樂見漁人乃大驚問所
從來具答之便要還家設酒殺雞作食村
中聞有此人咸來問訊自云先世避秦時
亂寧妻子邑人來此絕境不復出焉遂與

外人間滿問今是何世乃不知者漢無論
魏晉使人一為具言而聞皆歎惋餘人若復
延至其家皆出酒食停數日辭去此中人語
云不足為外人道也兒出得其舡便向路處
上誌之及郡下詣太守說如此太守即遣人
隨其往尋向所誌遂迷不悟臨南陽劉子
驥高尚士也聞之欣然親往未果尋病終
後遂無問津者 桃源序

世傳桃源事多過其實故淵明所記上
言定為避秦亂者此則漁人所見似是其

子孫非秦人不死也又云殺謫臣食豕
仙而殺去手舊說南河有菊水之甘而芳民居
三十餘家飲其水皆壽或至百二三十歲蜀青
城山老人村者見五世孫去道極險遠生不識
鹽醃而溪中多枸杞根以龍蛇飲其水故壽
之百歲道稍通漸能鼓五味而壽益益衰杞
原蓋以此也歟使武陵太守得至焉則已化
為爭奪之場矣嘗念天壤之間若此者甚
衆不獨武陵也余在潁州林下至一二官府
人物輿俗間無果而山川清遠有足樂者

顧視堂上榜曰仇池覺而今之仇池武
都氏故也楊鄭嘗不係余何為居之明
日以問余者趙令時德麟去曰公何
為同此此乃福也小有洞天附庸也
杜子美蓋云萬古仇池穴潛通小有天
神白人不見福也謠真傳近接西南境
長懷十九泉何時一節旌送老白雲邊
池目二部侍郎王欽臣仲全謂余曰吾
嘗奉使過仇池有十九泉第山環之
可以遊也如桃花源也高枕和陶詩序

高逸第二

戰國人才當以魯仲連為第一觀其却秦不受趙賞下
聊城不屑齊爵輕世肆志超然有蟬蛻八極之志後來獨李
太白知之其詩曰齊有倜儻生魯連特高眇明月出海底一朝
開光耀又曰獨立天地間清風灑蘭雪庶幾傳神太白風神
超邁亦魯連流亞故能知而言之如此

藏說小華

漢末多高士嚴光傲萬乘歸釣富春山中太白詩所謂清
風洒六合邈然不可攀者庶為知言次黃州度徐孺子足以
嗣響下此則嵇林夜可躡芳塵而時露圭角不免於亂世
惜哉晉以後雖謂之無高士亦可上全

秦仁甫君筆

王右軍雅好服食養性不樂在東師初度浙江
便有終身之志會稽有佳山水名士多居之時孫
綽李充許詢支遁諸人皆以文義冠世並築室
東土與之同好 何氏語林

王右軍既去官與東土人士營山水戈釣之娛
又與道士許邁共修服食徧采名藥不遠千里
游東吳諸郡名山泛滄海歎曰我卒當以樂死
李廞是茂曾第五子清貞有遠操而少羸病
不肯婚宦居在臨海住兄侍中墓下既有高名
王丞相欲招禮之故辟為府掾廞得牋命笑曰

茂弘乃復以一爵假人

世說補下全

阮光祿在東山蕭然無事常內足於懷有人以
問王右軍右軍曰此君近不驚寵辱雖古之沈冥
何以過此

何驃騎弟以高情避世驃騎勸之令仕荅曰子第
五之名何少減驃騎

張牧之隱于竹溪不喜與世接客來蔽竹窺之
或韻人佳士則呼舫載之或自刺舟與語俗子十及
不一見怒罵相踵不顧也

何氏語林下全

康僧淵在豫章去郭數十里立精舍旁連嶺

帶長川芳林列於軒庭清流激於堂宇乃閑居
研講希心理味庾謝諸公多涉見之觀其運用吐
納風流轉佳

墨池在南昌縣水竹幽蔚王右軍典臨川郡日每
過此盤礴不能去因號墨池先是梅福種蓮花
池中歎曰生為我酷身為我枯形為我辱妻為
我累遂棄妻入洪崖山

唐書志

孔淳之居舍稽剡縣性好山水每有所遊必窮其
幽峻率旬日忘歸嘗遊山遇沙門釋法崇因留共
止遂傳三載法崇歎曰緬想人外三十年矣今乃

傾蓋於茲不覺老之將至淳之還及不告以姓說
江湛舉王景玄為吏部郎王與湛書曰君平有言
生我名者殺我身天爵猶滅名安用吏部郎哉其
舉可陋其事不經非獨搢紳者不道僕妾皆笑之
因與湛告絕棲遑環堵之室苔草沒階事文類聚下全
章敬遠志尚夷簡澹於榮利所居之宅枕帶林泉
對玩琴書蕭然自逸時人號為居士時慕其閑素者
載酒從之敬遠為之盡歡忘倦

馮靈通雅好山水無有巧思結架石林甚得棲
游之適頗以此聞世祖給其功令與沙門統僧暹

河南尹甄琛周視高高形勝之處造間居寺林泉
既奇營製又美曲盡山居之妙小窓諸記

王無功有田十六頃在河渚間奴婢數人自課種
黍春秋釀酒養鳧鴈蒔藥草自供與仲長子光
服食養性欲見兄牙輒渡河還家遊小山東臯著
書自稱東臯子劉昫唐書下全

武攸緒則天姪也枯淡寡欲日以周易及老莊書
以自怡隱居龍門小室冬蔽茅椒夏居石室晚年
肥肉充潤瞳有紫光晝能見星

李太白云予少時大人令誦子虛賦私心慕之及長

南遊雲夢覽七澤之壯觀酒隱安陸者十許

年本集

元德秀薨魯山房琯嘆曰見紫芝眉宇使人
名利之心都盡天下高其行緇帙滿架柴車而
行惟枕履簞瓢而已生六十未嘗見女色焉劉唐書
張子同以親既喪不復仕居江湖自稱烟波釣徒
著玄真子亦以自號兄鳳岭恐其遁世不還為
筭室越州東郭次以生草橡棟不施斧斤垂
釣不設餌志不在魚也帝嘗賜奴婢各一志和配
為夫婦號漁童樵青陸羽嘗問孰為性未者

對曰太虛為室明月為燭與四海諸公共處未
嘗少別何有性未顏真卿為湖州刺史志和來
謁真卿以舟弊陋請更之志和曰願為浮家泛
宅性未嘗言間李德裕補志和隱而著名顯
而無事不窮不達嚴光之比云云

李兵部雅度玄機蕭々冲遠德行既優又有山水
之致琴道酒德皆高絕一時不近粉黛性善接引
人物不好俗談晨起裹頭對客壺融便過一月
多畜古器在湖州嘗得古鐵一片擊之清越又
養一猿名山公嘗以之隨逐月夜泛江登金山擊

鐵鼓琴猿嘯如和何氏語林

白傳分司東都終日以詩酒自娛盧尚書簡祥有
別墅近伊水亭榭清峻方冬與羣從子姪同登眺
望嵩洛既而霰雪微下因說鎮金陵時江南多山
水見居人以葉舟浮泛就食菰米鱸魚念之不忘
遂以魚有二人衣蓑笠循岸而來尋引蓬艇航
頭度青幕中有白衣人與衲僧耦坐艇後有宦
小安銅甌而炊小僮烹煮沂流過於檻前聞舟中
言笑方甚盧歎其逸不知何人問之言是白公與
僧佛光自建春門往香山精舍

太平廣記

白樂天在東都居履道宅有池水可泛舟樂天
每命賓客繞舷以百十油棹懸炙沈水中隨舷而
行一物盡則左右隨取之藏盤筵於水底 何氏語林

崔唐臣閩人與蘇子容呂晉叔同學相好二公及第茅
崔惶然罷舉其後二公入三館乘馬偕出循汴岸見
一士艤舟坐客下蓋崔也亟就謁之問其別後沈疇曰
初倒篋中有錢百千以其半買此舟來往江湖間其半
市雜貨時取贏以自給雜之泥梗瓢蓬差逾於應
舉覓官時也二公邀興歸不可但叩官居坊曲所在明
日自局中還各覩崔留刺再訪每次則已行矣歸玩

刺字末有細書絕句云集仙客問生涯買得漁
舟度歲華案有黃庭尊有酒少風波處便為家
容齋隨筆

陽翟辛君前輩賢者少以父任得官隱居不仕蘇
子容丞相妻弟而二程先生表其方蘇丞相感時屬
招之不出伊川先生元豐間每歲自洛中至潁昌訪
韓持國過陽翟必兄辛君留十日其所居有大
屋七間後皆奇花異草終身自樂卧遊錄
田承君劉介自守兄弟五人皆有氣節博學能文
家居兄弟相從能自樂也與崔鵬德符陳恬州易

為友諸田兄弟在陽翟縣南十里竹林店居其地
多竹故名有屋十五間文史之用陽翟人張宗文
秀才與諸田親戚自言頃年自做中月夜步謁諸
田適值酒熟花方盛開留連十許日商確文字意
足而歸 上全

田承君有廬在亂山中前有竹旁有溪畔有大
石前後樹以梨棗日與二弟穿竹渡溪倦則坐石
上或藉以草葛中草屨吟諷以歸之以遺老以忘
憂小憲清記

蘇養直隱京口紹興間與徐師川同召養直不起

師川造朝時便道過卷直留飲甚歡二公平日對奕
徐高於蘇是日卷直拈一字笑視師川曰今日還須

讓老夫下此一著師川有愧色

鶴林玉露

朱希真居嘉禾嘗與朋儕詣之聞笛聲自烟波
間起問行者曰此先生吹笛聲也頃之掉小舟而
至則興俱歸其家室中懸琴筑阮咸之類皆希
真平日所留意者檐間畜珍禽皆目所未覩室
中簋缶貯果實脯醢客至挑取以奉客其詩曰
青蘿色髻白行纏不是凡人不是仙家在洛陽
城裡住卧吹銅笛過伊川可想其風致矣

玉壺冰

倪雲林所居有清閬閣幽迥絕塵中有書數千
卷皆手自校定經史諸子以及釋老之言盡日成
誦古鼎彝名琴陳列左右松桂蘭竹之屬敷紆繚
繞其外則高木脩篁蔚然深秀每風止雨收杖屨
自隨逍遙容與詠歌以娛望之者識其為世外人也

何氏語林

顧仲瑛家富於貲輕財好客購古法書名畫彝鼎
祕玩別筍墅於苕涇西題曰玉山佳處日夕與客置
酒賦詩其中四方文學之士若河東張翥會稽楊
維禎天台柯九思永嘉李孝光方外若張伯雨子

彥成琦元璫與一時名士咸至其家園池之盛蓋史之
甯與夫簞館聲妓並鼎甲一時才情妙麗與諸人略
相酬對風流文雅著補東西上全

王冕買舟下東吳渡大江入楚淮歷覽名山川或遇奇
才俠客談古豪傑事即呼酒共飲慷慨悲吟北游燕曰不
滿十年此中狐兔游矣隄九里山種豆三畝粟信之樹梅
花千桃杏后其半芋一區非雞各百本引水為池種魚千
餘頭結茆屋三間自題曰梅花屋明野史

姑蘇王賓榻后陋巷郡守姚善性候舍車躬詣門
賓問為誰應曰某乃開門延語明日往西面府門再拜

而反善自邀還辭曰非公事不敢入也明世宗

文皇帝親赴不赴舉相廷以翰林待詔聘之不半歲

辭去寧庶人慕其名邀之不就日以翰墨自娛平生

不外賸不入城市貴家求書畫堅不應而閭巷小民

持果餅往索則輒欣然泯揮與之

九十二無疾而卒
明野史彙

王履吉手寫經書皆一再過俗言未嘗出口風儀玉

立舉止軒豁其心每抑下雜拜稱稠疊而韞藉自

將對人未始言學蓋不欲以能尚人性惡喧囂居閑

庭三年既而讀書石湖之上二十年非歲時省侍不

數入城遇佳山水輒欣然忘去上全

熊際華曰過吉水鄒南阜里水石冷：真使人懷貪
廉懦立之想及遇先生一語：不可了已翩然有吟風
弄月以歸之興矣 明世說

野人遊羅浮長嘯數聲遶鄉著林樾宋咸淳中客有
戴烏方帽著靴往耒羅浮山中見人則大笑及走三年
不言姓氏他日醉歸忽取煤書壁云雲意不 懷海春
光欲上翠微人問一墮千劫猶愛梅花耒歸蓋野人傳云
清記

蔡奉簡君筆

陶峴者彭澤之孫開元中家于崑山富有
田園擇家人不欺能守業者悉付之家事

身則泛遊江湖遍知天下姓名不歸
見其子孫成人皆不辨其名字也自宋三
舟備極工巧一舟自載一舟置賓一舟貯
飲饌客乃前進士孟彥深進士孟雲卿布衣
進士孟置僕妾若載而峴弓女樂一部常
奏清商曲逢山川則窮其境物乘興盡移
徑過却色無不招延峴至拒之吳越三閭
歸峴為水仙

廣記

閒適

以從公

閒之為義或曰月到門庭方是閒也古皆
以日與閒同其音稍異耳閒亦人所難得者
杜牧之有云不是閒人閒不得願為閒客
此閒行吳興因建得閒亭余性極愛閒而
閑中不能靜處尋詩問酒灌卉調禽索無
暇時因憶韓致堯有云書牆暗記移花日
洗甕先知醞酒期須信閒人有忙事早來
衝雨覓漁師玉山樵人可謂同調矣眉公叔
昔周茂林令二程先生尋仲尼顏子樂如所樂

何事而任子竟得吟風弄月以歸吾與點也
之意此箇公案引而不發愚謂彼中意趣
惟邵堯夫先生味之最真擊壤詩云世間
無事樂都恐屬閒人又曰料得閒中樂無
如我得全彼視浮雲富貴簞食瓢飲為何
如蓋閒非偷安之謂適非恣意之謂性天
澄澈纖滓不留則俯仰宇宙安往而非我
之樂境哉觀其於疾革之際且曰試與觀
化一造只是諧謔湏臾而去其於死生之
際直以朝暮視之真千古風流人豪者矣

却起每聞欲高尚隱退者輒為辦百萬貲
并為造立居宅在剡為戴安道起宅甚精
整康節慶曆間過洛愛其山川風俗之美
始有卜筮之意嘉祐七年王宣徽尹洛就
天宮寺西天津橋南五代節度使安審琦
宅故基以郭崇韜廢宅餘材為屋三十間
請康節遷居之富韓公命其客益約買對
宅一園又皆有水竹花木之勝余秉尚不
及前哲而陸平泉先生包羽明董玄宰輩

各捐山貲為余築讀書臺于小崑山之陰
立壑押主峯泝來賓頻稱勝槩余嘗作臨江
仙一詞云婉孌北山松樹下石根結箇
巖阿巧藏精舍恰無多尚餘簷隙地種竹
并栽梧高卧不須愁客至客來野荀山蔬
一瓢濁醪儘能沽時呼鶴舞醉後倩僧扶

出栖幽事

白樂天曰僕去年秋始遊廬山到東西二
林間香爐峰下見雲水泉石勝絕第一愛不
能舍因置草堂前有喬松十數株脩竹千

館年青蘿為牆垣白石為橋道流水周於
舍下飛泉落於簷間綠竹白蓮羅生池砌
大抵若是每一獨往動彌旬日平生所好
者盡立其中不惟忘歸所以終老

白氏長慶集

袁尹在郡時請酒自適不以物務經心每
杖策逍遙當其得意時恆升几返郡南一
家頗有竹石袁年尔劣性不通主人直造
竹所嘯咏自得主人出語笑款洽俄而車
騎羽衛至乃知是袁尹氏洛林

王逸少曰頃東遊還修植桑果今盛敷榮

率諸子抱弱孫游觀其間有一味之甘割
而分之以娛目前不食之餘欲與親知時
共歡譤雖不能興言高詠啞引滿語田
里所行如以為撫掌之資其為得忘可勝
言醉

小憩清記

白居易曰余自幼至老凡所止雅一二日
聊愛黃土為臺聚拳石為山環斗水為池
今廬山以靈膝待我卒獲所好終我得以
自遂則必左手引安子右手抱琴書終老
於斯以成就我平生之志清泉白石案間

此言 長慶集

司馬溫公曰志倦體疲則投竿取魚執祗
採藥決渠灌花採斧剡竹濯熱盥水臨高
縱目逍遙徜徉惟憂所適明月時至清風
自來鄉舍所亭上無可忘耳目肺腸室焉
已有蹠焉洋焉不知天壤之間復有
何樂可以代此 獨樂園記

王荊公晚居鍾山謝公墩自山距州城適
相半畜一驢每食罷必旦至鍾山縱步山間
倦則即投林而睡往往至日昃乃歸有不

學生公

及終往亦必跨驢中道而還未嘗已也

蘇子瞻在黃州及嶺表每旦起不招客相
與語則必出而語客所與遊者亦未盡擇
談諧放浪不復為畦畛有不能談者強之
使說鬼或辭無有則曰姑妄言於是聞者
無不絕倒皆盡懽而去

眉公秘笈

邵雍名其居曰安樂窩曰自號曰安樂先
生旦則焚香燕坐晡時酌酒三四杯微醺
即已常不及醉也興至輒賦詩自咏春秋
時出遊城中風雨則不出出則乘小車一

人挽之惟意所適士大夫家識其車音爭
相迎候童孺厮隸相謂曰吾家先生至也
德氣粹然望之知其賢然不事表襮不設
防畛羣居燕笑終日不為甚異與人言樂
道其善而隱其惡有就問學則答之不倦
人無貴賤少長一接以誠故賢者悅其德
不賢者服其化卒謚曰康節先生

名臣錄

孫昉彌四休居士山谷問其說四休笑曰
粗羹淡飯飽即休補破遮寒暖即休三平
四蒲過即休不貪不妬老即休山谷曰此

即安樂法也夫少欲者不伐之家也知足
者極樂之國也四休家有三畝園花木鬱
鬱客來煮茗傳酒談人間可喜事茗寒酒
冷賓主皆忘

玉壺冰

黃潛曰心不溷濁謂之清迹不彰顯謂之
隱余學老子之法者也朝暮黃梁一盂首
茗一盤既適而且安間披鶴氅衣手執黃
庭經一卷脩然而凝坐九衢十二陌之游
塵莫之我干也寧非清耶名氏不落於聲
利之場心迹不屬乎榮辱之境其入也烟

霞之與同棲其出也漁樵之與爭席寧非

隱耶知非錄下并同

耕野子曰山深林密澤沃魚肥黃犢眠阿
幽篁簞壺樵者相與歌於澤牧者相與笛
於阿野人則尋壑經丘出作入息含哺擊
壤以慶豐年古琴一張圖書一卷荷囊携
酒惟其所之有感於懷便欣然得句乘興
輒飲不著意去留倦鳥投棲沐雲遠洞夕
陽銜麓月上衡茅四壁蕭如八窓玲瓏醉
歸來而吟自在卧羲皇而游無何竟不知

為樂與否

徐勉曰冬日之陽夏日之陰良辰美景負
杖蹊履逍遙自樂臨池觀魚披竹聽鳥濁
酒一盃彈琴一曲求數刻之樂居常以待
老

正印府君羊

迺叔堅曰吾昧爽櫛梳坐於客堂朝則誦
羲皇之易虞夏之書歷公旦之典禮覽仲
尼之春秋夕則逍遙內階咏詩南軒百家
衆氏投閒而作洋洋乎其盈耳煖爛兮溢
目紛々欣々兮其獨樂當此之時不知天

之為蓋地之為輿不知世之有人己之有

軀

楮記室

吳草廬云惟願尊不之酒厨不斷烟茅屋
不漏布衣常穿樵林畔釣漁河邊無榮
無辱其樂陶然平生足矣更不望為
方遜志曰土壁而茅簷繩樞而甕牖匡床
席門僅容俯仰以養吾素而已被褐而束韋
飯糗而茹菽粗糲淡泊僅禦飢寒以養吾
素而已樂情任質直躬正色无求於人不
忤於物以養吾素而已言務達志文以適

輟耕錄

意不求世知惟理之務以養吾素而已

正學集

吳康齋曰南軒讀孟子甚樂湛然虛明平旦之氣略无所撓綠陰清晝薰風徐來而山林間寂天地自濶日月自長邵堯夫所謂心靜方能知白日眼明始會識青天於斯可驗矣

知非錄下全

陳白沙曰當其境與心融時與意會欣然而適泰然而安物我於是乎两忘死生焉得而相干於焉優游於焉收歛靈臺洞虛一塵不染浮華盡剥真宰乃見鼓瑟鳴琴

一回一點氣蘊春風之和心游太古之面

學堂公議 命主筆

羅一峰曰呼菊為朋結松為友與麋鹿為

正印雨君筆

群庭廡之間几席之下山敵其奇水敵其

清月敵其朗烟霞敵其變態天地萬物無

不各敵其所有

祝石林曰生人通患髮短心長石火易隕

河清難俟如欲住世出世須是知機息機

不與造化爭權造化權還之造化即與兒

孫種福兒孫福付之兒孫抽付物外之閑

身夷猶眼前之清事
尋花問月兩二三
瀹茗焚香魚雅二
會不必約禮不必文
詩不必工奕不必勝
凡事只求日減此心
直與天游不守庚申
都忘甲子此亦塵世
丹丘震旦淨土

莫雲卿曰余嘗獨居
山中時借榻僧舍每
見林岫新霽鳥聲
碎耳岩扉初曉雲
山盪眙一落山椒紫
翠正落枕上仙乎仙
乎覺身世之欲浮也

明世說

唐子西詩云山靜似
太古日長如少年余

家深山之中每春夏之交蒼蘚盈階落花
滿徑門無剝啄松影參差禽聲上下午睡
初足旋汲山泉拾松枝煮茗啜之隨意
讀周易國風左氏傳雜騷太史公書及陶
杜詩韓蘇文數篇從容步山徑撫松竹與
麝犢共偃息於長林豐草間坐弄流泉濯
足漱齒既歸竹窓下則山妻稚子作荀蕨
供麥飯欣然一飽弄筆窓間隨大小作數
十字展所藏法帖筆蹟画卷縱觀之與到
則吟小詩或牻玉露一兩段再烹茗茗一

杯出步溪邊邂逅園翁溪友問桑麻說杭
稻量晴校雨探節數時相與劇談一餉歸
而倚杖柴門之下則夕陽在山紫綠萬狀
變幻頃刻恍可人目牛背笛聲兩三來旼
而月印前溪矣味予西此句可謂絕妙然
此句妙矣識其妙者蓋少彼牽黃臂蒼馳
獵於薌利之場者但見袞袞馬頭塵勾勾
駒隙影耳烏知此句之妙哉人能真知此
妙則東坡所謂無事此靜坐一日是兩日
若活七十年便是百四十所得不已多乎

鶴林玉露

洛城內外六七十里間凡觀寺丘墅有泉
石花竹者靡不遊人家有義酒鳴琴者靡
過有畱書歌舞者靡不觀自居守洛川洎
布衣家以宴游召者亦時二往每良辰義
景或雪朝月夕好事者相過必為之先拂
酒罍次開詩篋酒既酣乃自援琴操宮聲
弄秋思一篇

玉壘冰下全

藏書六堂中設木榻四素屏二恭琴一張儒道佛
書各數卷樂天既來為主仰觀俯聽泉旁

晚竹對雲石自辰及酉應接不暇俄而物
誘氣隨外適內和一宿體寧再宿心恬三
宿後頽然嗒然不知其然而然

正印荆君羊

長松怕石去墟落不下一二十里鳥徑緣
崖涉水於草莽間數四左右兩三家相望
鷄犬之聲相聞竹籬草舍燕處其間蘭菊
藝之臨水時種桃梅霜月春風日自有餘
思兒童婢僕皆布衣短褐以給薪水釀村
酒而飲之案有雜書莊周太史楚辭黃庭
陰符楞嚴圓覺數十卷而已杖藜蹊屐往

來窮谷大川聽流水看激湍鑑澄潭步危

橋坐茂樹探幽壑升高峯

顧

巢而死乎

登懷錄

李進士東泰筆

每鳥啼花落欣然有會於予心遣小奴挈

癭尊酌白酒醺一梨花瓷盞急取詩卷快

讀一過以嚙之蕭然不知在塵埃間也

玉壺冰下全

因葺舊廬疏渠引泉周以花木日哦其間

故人過逢淪茗奕棊杯酒淋漓浪其樂殆非

塵中有也把鋤荷鍾決溪泉為圃以給茹

其隙則浚溝池莳樹木行歌坐釣望青天

白雲以此為適亦足老死無戚者

閑居勝於居官其事不一其最便者尤於
暑月見之自早燒香食罷便可簷中衽袒
席輒從事藤床竹几展轉北窗清風時至
反患太涼挾策就枕困來熟睡晚涼浴罷
杖屨逍遙臨池觀月登高乘風採蓮剥芡
剖瓜雪藕白醪三杯取醉而適其為樂殆
未可以一二數也

經鋤堂雜志

不能卜屋名山即于岡阜迴復及林木幽
翳處闢地數畝築室三楹插槿作籬編茅
為亭以一畝陰竹樹一畝栽花果一畝種

花第中壁清曠空渚所有畜山童灌園蘿
草置三胡床著亭下挾書斫以伴孤癖携
琴奕以適良友凌晨杖策抵暮言旋此亦
可以娛老矣 叔父

自昔士之間居野處必有同道同志之士
相與往還故有以自樂陶淵明詩云昔歆
居南村非為卜其宅間多素心人樂與數
晨夕又云隣曲時往來抗言談在昔高文
共忻賞疑義相與析則南村之隣豈庸
之士哉杜少陵在錦里亦與南村朱山人

往還其詩云錦里先生烏角巾園收茅索
未全貧慣看賓客兒童喜得食墻陰烏雀
別秋水纔添四五尺野航拾棹兩三人白
沙翠竹江村暮相送柴門月色新又云相
近竹參差相過人不知幽花散滿樹小水
細通池歸客村水遠殘尊席更移看君多
道氣從此數追隨所謂朱山人者固亦非
常流矣李太白尋魯城北花居士誤落蒼
耳中詩云忽憶花野人間園養幽姿又云
還傾三中酌自詠狂律詞近作十日觀遠

為千歲期風流自歎為謹浪偏相宜花野
人固亦可人之流也鶴林玉露

正卿有言焚香看書人事都盡隔簾落花松梢月上
鐘聲忽度推窓仰視河漢流雲大勝晝時
非有洗心滌慮得意炙象之表者不可獨
契此語小窓情記

李太白詩清風明月不用一錢買東坡赤
壁賦云惟江上之清風與山間之明月耳
得之而為聲目寓之而成色取之無禁用
之不竭造物者之無盡藏也東坡之意蓋

太白

自詩句中未及風月不用錢買而取之無

禁太白束收之言信矣然而能知清風明

月之可樂者世無幾人清風明月一歲之

間亦無幾日就人知此樂或為俗務牽奪

或為病故防障雖欲享之有不能然則閑

居無事遇此清風明月既不用錢買又取

之無禁而不知以為樂是自生障礙也

經勉
去志

宅有桑麻田有杭稻而渚有蒲蓮弋于高

以追鳬鴈之高下縈于深而逐鱸鮓之潛

泳吾所以衣食其力而無愧于心也息有

喬木之繁陰藉有豐草之幽香登山而凌
雲覽天地之奇變弄泉而來月遺氛埃之
溷濁此吾處其倦怠而樂於自遂也玉壺
耳目清曠不設機關以待人心安閒而體
舒暢三商而眠高齋而起靜院明窓之下
羅列經史琴尊以自娛有興則泛小舟出
盤岡吟嘯覽古於江山之間渚茶野釀之
以銷憂尊稻魚蟹足以適口又多高僧隱
君子佛廬勝絕家有園林珍花奇石曲池
高臺魚鳥留連不覺日暮上全

參奉府君羊

有士人苦貧夜則露香祈天益久不懈一
夕忽聞空中語曰帝聞汝誠使我問所欲
士答曰某所欲甚微非敢過望但願此生
衣食充足逍遙山水間以終其身足矣空
中大笑曰此上界神仙之樂何可易得若
求富貴則可矣此非虛語也予觀世之貧
賤者既啼呼乎饑寒而富貴者又馳騖名
利終身役々知衣食充足逍遙山水真人
間之極樂天公所靳與而最不可易者也
雖然華門圭竇簞食瓢飲靜生一室尚友

千古樂更何如豈必在山水間哉

金粟子

正印

飽食緩行初睡覺一瓦新茗侍兒煎脫巾
斜倚繩床坐風送水荇來耳邊裴晉公詩
也細書妨老讀長簟愜昏眠取簟且一息
拋書還少年半山翁詩也相葑蒲團睡味
長主人與客兩相忘須臾客去主人睡一
半西窓無夕陽陸放翁詩也讀書已覺眉
稜重就枕方欣骨節和睡去不知天早晚
西窓殘日已無多吳僧有規詩也老讀文
書與易閑須知養病不如閑竹窓枕尾虛

堂上卧看江南雨後山
呂滎陽詩也紙屏
尾枕竹方床手倦拋書
午夢長睡起莞然
成一笑數聲漁笛在滄
浪蔡持正詩也余
習懶成癖每遇書必須
偃息客有嘲孝先
者輒哦此以自解然每
苦枕熱展轉數四
後見前輩言荆公嗜睡
夏月常用方枕或
問何意公云睡久氣蒸
枕熱則轉一方冷
處此非真知睡味未易
語此
癸辛雜譚

花竹幽窓午夢長
此中與世暫相忘
華山
處士如容見不覓
仙方覓睡方然則
睡亦

有方耶希夷之說不過謂舉世以為息魂
離神不動耳遺教經乃有煩惱毒蛇睡在
汝心毒蛇既出乃可安眠之語近世西山
蔡季通有睡訣云睡側而屈覺直而伸早
晚以時先睡心後睡眼晦翁以為此古今
未發之妙

初夏園林微風醒酒隨意拂苔坐石聞黃
鳥弄聲而竹陰漏日桐影扶雲稍就隱几
書所見時致敲啄成文足以韵歌提筆作
東山吟或天籟清談鶴唳橫空山雲觸閣

千峰送雨就榻午睡而蕭騷之極夢亦得趣矣

小窓清記

箕踞于斑竹林中徙倚于青石几上所有道爰梵書或校讎四五字或參諷一兩章茶不甚精壺亦不燥香不甚良灰亦不死短琴無曲而有絃長謳無腔而有音激氣發於林樾好風送之水涯若非羲皇以上定亦嵇阮兄弟之間

品樓遺事下全

住山須一小舟朱欄碧幄明櫺短帆船中

雜置書史鼎彝酒漿薜蘿近則峯泝而止

遠則北至京口南至錢塘而止風利道便
移訪故人者見留者不妨一夜話十日飲
過佳山水處或高僧野人之廬竹樹蒙茸
草花映帶幅巾杖屨相對夷然至于風光
淡爽水月空清鐵笛一聲素鷗欲舞此亦
避喧謝客之一策也



